



Naćisk protokola

8. (wurjadneho) posedženje Zwjazkowego předsydstwa Domowiny

datum:	pjatk, 13.01.2023
čas:	17.33 hodž. – 21.10 hodž.
městnosć:	žurla Serbskeho domu w Budyšinje
přitomni na městnje:	D. Statnik, H. Leipner, W. Bejmak, J. Bělk, M. Brycka, B. Cyž, L. Dučmanowa, D. Dyrlich, M. Funka, K. Grofa, A. Hiccyna, M. Libšowa, M. Michałkowa, M. Młynkowa, D. Wowčerjowa, M. Hasacki a W. Janhoefer so wot 17.37 hodž. wobdžělita, B. Sćapan a L. Žurec-Pukačowa staj wot 17.50 hodž. přitomnaj
digitalnje přitomni:	F. Albertowa, J. Clausen, F. Grajcarekec, M. Mark, D. Maticowa, F. Ričel
zamołwjeni:	M. Hančik, B. Bělk
njezamołwjeni:	J. Dünnbierowa, G. Šejn
hosćo na městnje:	J. Šoćina, B. Brězanowa (simultany přeložk), M. Di Sarnowa, kandidaća za Založbowu radu (hlej lisćina), S. Hrjehorjowa, K. Liznarjec, M. Šusterowa
wólbny wuběrk:	Kř. Korjeńk, W. Sroka, L. Thomasowa
medije:	A. Arlt (SN), K. Pöpelec (MDR)
hosćo digitalnje:	B. Melcher, M. Wjesela

0.

Zahajenje posedženja

wotewrjenje a powitanje / zwěšćenje přitomnosće a zamołwjenjow / zwěšćenje wobzamknjenjakmanosće / schwalenje dnjoweho porjada / zwěšćenje zajatosće

Wot cyłkownje 29 člonow zwjazkowego předsydstwa je 21 přitomnych = 72 %
wot 17.37 hodž. 23 přitomnych = 79 %
wot 17.50 hodž. 25 přitomnych = 86 %

Z tym je wobzamknjenjakmanosć zaručena.

D. Dyrlich prosy wo dodawk k dnjowemu porjadej, hač smě předsyda stronjan być.
H. Leipner namjetuje, to w dypku 4 wobjednać.

Wobzamknjenje č. 59 z dnja 13.01.2023:

Dnjowy porjad posedženja Zwjazkowego předsydstwa so schwali.

za namjet: 21	přećiwo namjetej: 0	so hłosa wzda: 0
---------------	---------------------	------------------

Namjet so z tym přiwa.

Zajatosć so njezwěsći.

Maksimilian Hasacki a Wylem Janhoefer so wobdžělita.

1.	<p>Wobjednanje protokola 7. (rjadneho) posedzenja z dnja 25.11.2022 w Budyšinje</p> <p>K protokolej njeběchu žane přispomnjenja.</p>			
2.	<p>Wuzwolenje serbskich zastupjerjow ze Sakskeje za Załožbowu radu na dobu 2023-2027</p>			
2.1.	<p>Aktualizowanje wólbneho porjada <i>předłoha ZP 58/2022</i></p> <p>Wólbna komisija doporuči, wólbny porjad nastupajo datumow korigować.</p> <p>Člon zwjazkowneho předsydstwa Bjarnat Cyž prosy wo precizowanje w dypku 7 wólbneho porjada a namjetuje w přenjeje sadže přidać “z jednorej wjetšinu”. Z tym potom rěka: <i>“Wuzwoleni su po slědže docpětych hłosow či z najwjace hłosami. Při tym maja znajmjeńša jednoru wjetšinu docpěć.”</i></p> <p>Wopodstatni namjet z tym, zo maja čłonojo rady měć dosahacu legitimaciju za wažny nadawk. We wuslědku dyrbja znajmjeńša połojcu móžnych hłosow dóstać, zo bychu wuzwoleni byli.</p> <p><u>Wobzamknjenje č. 60 z dnja 13.01.2023:</u> Zwjazkowe předsydstwo Domowiny wobzamknje:</p> <p>1. Wólbny porjad za wuzwolenje serbskich zastupjerjow ze Swobodneho stata Sakska do rady Załožby za serbski lud za dobu 2023-2027 so schwali.</p> <table border="1" data-bbox="225 1032 1294 1070"> <tr> <td>za namjet: 23</td> <td>přećiwo namjetej: 0</td> <td>so hłosa wzda: 0</td> </tr> </table> <p>Namjet so z tym přiwwa.</p>	za namjet: 23	přećiwo namjetej: 0	so hłosa wzda: 0
za namjet: 23	přećiwo namjetej: 0	so hłosa wzda: 0		
2.2.	<p>Předstajenje kandidatow na zakładze svojich pisomnje zapodatych wobsahowych čezišćow</p> <p>Lubina Žurec-Pukačowa a Beno Šćapan přidružitaj so w 17.50 hodž.</p> <p>Wšitcy kandidaća su přítomni. Předsyda jich wita a prosy so po slědže dochada jich podložkow přítomnym předstajić a skrótka swoju motiwaciju rysować.</p> <ol style="list-style-type: none"> 1. David Kliman 2. Marko Kowar 3. Michaela Hirchowa 4. Frank Knobloch 5. Marlis Młynkowa 6. Daniel Nuk 7. Hagen Domaška 8. Susanne Hozyna 9. Měrćin Krawc 10. Marlis Pjacec 			

2.3. Naprašowanja a diskusija

W naslédnej diskusiji so wjacori člonoj ZP z prašenjemi na kandidatow wobroća.

Pola dweju kandidatow widži člon zwjazkowneho předsydstwa zajatosć, dokelž skutkujetaj w zjednoćenstwje "Serbski sejm", kotrež je zapodało skórzbu přećiwo załožbje.

Hladajo na wuwjedženje kandidatki nastupajo nadawki załožby wujasnjuje člon zwjazkowneho předsydstwa, zo njespěchuje załožba na polu kubljanja. Widži w tym wopačne wočakowanja. Jeničce rěč spěchowace projekty su móžne, kublanske struktury so njewobjednaja.

Dale zwěsći člon zwjazkowneho předsydstwa, zo njeje Załožbowa rada politiski organ, ale ma garantować, zo so srědki porjadnje wužiwaja, ma wobsah pohódnoćić. Politiske diskusije wo zastupnistwje a serbskej politice w gremiju so njewobjednawaja. To je skerje naležnosć Domowiny a Serbskeje rady.

Hagen Domaška wotmołwi, zo njeje člon zjednoćenstwa "Serbski sejm", wón je jenož podpěraćel a njeje na skórzbje wobdžěleny, kotraž je so w mjenje towarstwa Smy z.t. zapodała.

Dalši člon zwjazkowneho předsydstwa narěči Měrcina Krawca, kotryž jako člon zjednoćenstwa "Serbski sejm" załožbu do prašenja staji, na tamnym boku pak za Załožbowu radu kandiduje. Měrcin Krawc znapřećiwi tomu, zo njedawa tomu žane wobzamknjenje w "Serbskim sejmje". Zdobom prosy, zo měli so gremije na swoich wobzamknjenjach měrić. Po jeho słowach je zaměr, institucionalny kluster dale wuwijać, n. př. na korporaciju zjawneho prawa, zo bychu Serbja tak wjac awtonomije zdobyli.

Nastupajo Hagena Domaški zwěsći člon gremija, zo bě wón sobuwawtor sćinoweje rozprawy zjednoćenstwa "Serbski sejm", w kotrymž je so Domowina jako "destruktivna" pomjenowala. Člon gremija zrozumi to tak, zo wón Domowinu wotpokazuje. Hagen Domaška tomu znapřećiwi, zo je namjetował wólby kaž w Delnjeje Łužicy přewjesć. Wón měni, zo Domowina tučasnje kandidatow postaji, wón pak sej přeje wólby přez Serbsku radu abo přez serbski parlament.

Dalša člonka gremija podpěra kandidaturu Franka Knoblocha, wón je kompetentny jako zarjadniski hospodar. Njerěči drje hišće serbsce, ale rěč wuknje. Zwěsći, zo wožiwnjenje rěče w srjedźnej Łužicy na jara angažowane wašnje podpěra.

Dalša člonka gremija praša so Davida Klimana, hač ma nazhonjenja na polu projektowneho managementa? Wón wotmołwi, zo je pola města Kamjenc za kulturne projekty zamołwity. Njeje dotal člon serbskeho towarstwa, ale jemu je serbske žiwjenje wažne. Jeho motiwacija je: Hdyž je pomoc trěbna, steji wón k dispoziciji.

Dalša člonka gremija skedźbni na wažnosć mjezsobneho wothłosowanja do posedženjow a chce wot Michaela Hirchoweho wědžeć, hač budže so na wuradžowanjach tež direktnje wobdžělić móc, hdyž bydli w Erfurće. Knjeni Hirchowa wotmołwi, zo chce spytać, sebi to zarjadować a sebi 100%tnje za džělo w Załožbowej radze čas brać. Hdyž raz njemóže na městnje być, potom je za nju digitalne wobdžělenje alternatiwa. Priwatnje pak je tež jónu wob měsac we Łužicy.

Zastupjerka župy Jan Arnošt Smoler nawjazuje na wuprajenja Hagena Domaški a ma problem z tym, hdyž praji, zo so kandidaća postaja. To staji tež džělo wólbneje komisije do prašenja. Župa Budyšin je konkretnje Davida Klimana namjetowala, dokelž přinjese dobre nazhonjenja ze swójeho powołanja sobu. Runje tak podpěruja kandidaturu Susany Hozyneje, kotraž jara spomóžne čestnohamtske džělo w měščanskej radze wukonja.

Člon Zwjazkowneho předsydstwa podpěra Daniela Nuka. Wón je jenički kandidat pod 40 lětami z tym hlós młódšeje generacije. Tež ma wotpowědne nazhonjenja ze studija a dotalneho džěla.

Člonka gremija zwěsći, zo so Marlis Pjacec we swojich wuwjedženjach jara sylnje na kublanje wusměri. Što měni z "serbske projekty, kotrež maja dobre wuhlady" a na kotre koncepty so počahuje? Prosy wo wujasnjenje.

Marlis Pjacec wotmołwi, zo dyrbja so pjenjezy stata po jeje mēnjenju za serbske kublanje wužiwać. Pokaza w tutym zwisku na towarstwo "Stup dale" w Drježdžanach, kotrež je dyrbjało prosyć wo pjenjezy, zo by so dnjowa mać móhła dale wudžeržować.

Zastupjerka župy Michał Hórnik zdžěli, zo je župa Marka Kowarja a Marlis Młynkownu namjetowała. Wopodstatni to z jeju nazhonjenjemi, kotrež widži za dalše džělo Załožboweje rady za jara wažne. Runje tak chwali, zo tež młódši kandiduju, kaž na př. Michaela Hirchowu, kotraž ma zaso hinaši wid, dokelž njebydli we Łužicy.

Člonka Zwjazkowneho předsydstwa nawjaza na wuprajenja Marlis Pjacec. Nastupajo jeje cile bychu so dyrbjeli spěchowanske směrnicy Załožby změníć. Praša so, hač je to jeje wotpohlad. Marlis Pjacec wotmołwi, zo by so za konsensom w radže naprašowała. Wona chce diskusiju.

D. Statnik zwěsći, zo je so w diskusiji kóždy kandidat wobkedžbował, pak z konkretnymi prašenjemi pak z podpěrowacymi słowami.

Jan Bělk zapoda próstwu, zo by so přizamknył njezjawny džěl diskusije. Předsyda Domowiny da wo tym po krótkej diskusiji wothłosować.

Wobzamknjenje č. 61 z dnja 13.01.2023:

Zwjazkowe předsydstwo pokročuje diskusiju w njezjawnym džělu.

za namjet: 1	přećiwo namjetej: 17	so hlósa wzda: 1
--------------	----------------------	------------------

Namjet so z tym njeprjwza.

2.4. Wólby rjadnych a zastupowacych člonow gremija ze Sakskeje

Předsyda wólbneho wuběrka, Křesćan Korjeńk, přewza moderaciju a zahaji z tym wólbny akt. Spočatnje rozložil wotběh a wuměnjenja wólbow.

25 člonow Zwjazkowneho předsydstwa je přitomnych (na městnje a digitalnje), to je 86,2 %, z tym je wólbokmanosć data.

Kandidatna lisćina je so po rjedže zapodaća kandidatury zestajila.

Wólby su tajne. Kandidatka/kandidat dyrbi znajmjeńša 13 hlósow dóstać, zo by wotpowědne wólbne mu porjadej był wuzwolony (jednora wjetšina).

Hłosowanske lisćiki so na městnje wudžěla, resp. z mejlku sćelu. Wólbny wuběrk hlósy wuliči. Předsyda wólbneho wuběrka wozjewi wólbny wuslědk přěnich wólbow:

Wot 25 wotodatych hlósow su 24 płaćiwe, 1 lisćik bě njeplaćiwy.

1. Wuslědk wólbow štyrjoch rjadnych člonow Załožboweje rady

David Kliman	8 hlósow
Marko Kowar	21 hlósow
Michaela Hirchowu	10 hlósow
Frank Knobloch	9 hlósow

Marlis Młynkowa	17 hlasow
Daniel Nuk	14 hlasow
Hagen Domaška	1 hlas
Susanne Hozyna	16 hlasow
Měrćin Krawc	0 hlasow
Marlis Pjacec	0 hlasow

Z tym buchu w přnim kole wólbow jako štyri rjadni čłonojo wuzwoleni:

1. Marko Kowar (21 hlasow)
2. Marlis Młynkowa (17 hlasow)
3. Susanne Hozyna (16 hlasow)
4. Daniel Nuk (14 hlasow)

Wšitcy wuzwoleni přiwozmu wólby.

Zbytne šěsć kandidaća přizwolichu, za wólby wo městno zastupowacych čłonow kandidować. Druha wólbna lisćina so nastaji za wólby zastupjerjow.

W mjezyčasu wobjedna so dypk 3.

3. Přihot 22. hłowneje zhromadźizny Domowiny 2023 – aktualny staw přihotow / namjet za dnjowy porjad

předłoha ZP 59/2022

Wobzamknjenje č. 62 z dnja 13.01.2023:

Zwjazkowe předsydstwo Domowiny wobzamknje:

W přihotach na 22. (rjadnu) hłownu zhromadźiznu Domowiny dnja 22.04.2023 w Choćebuzu wobzamknje zwjazkowe předsydstwo namjet za wotběhowy a časowy plan 22. hłowneje zhromadźizny Domowiny.

za namjet: 25	přećiwu namjetej: 0	so hlasy wzda: 0
---------------	---------------------	------------------

Tučasnje so informacije z jednotliwych towarstwow a župow hromadza. Předsyda prosy wo přidžěło rozprawow wo dźěławosći **hač do 31.01.2023**.

Měsac do hłowneje zhromadźizny ma dokumentacija předležec a budže so rozdžělic.

Dalše informacije k hłownej zhromadźiznje podadza so na přichodnym posedženju 27.01.2023.

Přichodne posedženje ZP budže we Wojerecach a předsyda prosy wo wobdželenje w prezency, dokelž chcedza w dźělowych skupinach dźělowe směrnicu diskutować.

Pokročowanje dypka 2.:

Hłosowanske lisćiki so na městnje wudžela, resp. z mejlku sćelu, wólbny wuběrk hlasy wuliči. Předsyda wólbneho wuběrka wozjewi wólbny wuslědk druhich wólbow:

Wšitke 25 wotodate lisćiki běchu płaćiwu.

II. Wuslědk wólbow štyrjoch zastupowacych člonow Załožboweje rady

David Kliman	21 hłosow
Michaela Hirchowa	21 hłosow
Frank Knobloch	22 hłosow
Hagen Domaška	5 hłosow
Měrcin Krawc	1 hlós
Marlis Pjacec	5 hłosow

Z tym buchu w druhim kole wólbow jako tři zastupowacy člonjo wuzwoleni:

1. Frank Knobloch (22 hłosow)
2. Michaela Hirchowa (21 hłosow)
3. David Kliman (21 hłosow)

Wšitcy wuzwoleni přiwozmu wólby.

K. Korjeńk dźakuje so za wólbnu disciplinu a zakónči z tym dźěło wólbneho wuběrka.

D. Statnik wupraji dźak wólbnemu wuběrkej a gratuluje wuzwolenym.

Po wólbach dóndže k diskusiji a prašenjam nastupajo wobsadženja městna štwórteho zastupjerja w załožbowej radže a definicije “z jednorej wjetšinu”.

Člon wólbneje komisije poda definiciju k wurazej z pomocu wuwjedženjow (“juraforum.de”).

Člonka zwjazkowneho předsydstwa Marja Michałkowa namjetuje, hladajo na njejasnosće, wólby hišće raz přewjesć, to pak dalši člonjo ZP wotpokazaja.

přestawka

Předsyda cituje nastupajo definicije zapřijeća “jednora wjetšina” wotpowědnu zakońsku literaturu. (Sauter/Schweyer/Waldner – Der eingetragene Verein – 21. nakład.)

Hladajo na diskusiju zwěsći, zo su změny wólbneho porjada do wólbow po jednanskim porjedže móžne.

Člonka gremija po rozjasnjenju tutych njejasnosćow swoju próstwu cofnje.

Dalši člon gremija pokaza na to, zo dyrbi so tež wujasnić, kajke je postupowanje, hdyž njeje dosć zastupowacych člonow?

Někotři z njewuzwolenych kandidatow jimaja so słowa a zwuraznjeja přeslapanosć nastupajo wuslědka, wólbneho porjada a diskusije.

Hladajo na jednanski a wólbny porjad zwěsći předsyda, zo su wólby płaćiwe. Přiwšěm budže so pruwować, hač je falowaceho štwórteho zastupowaceho člona rady dla trjeba, dalše wólby přewjesć, zo by kóždy rjadny radźićel měl swójskeho zastupjerja. Předsyda prócuje so wo wujasnenje wotewrjeneho prašenja w dorěčenju ze Załožbu za serbski lud.

Jeli so wopokaza, zo su wólby štwórteho městna trěbne, hodži so tole nachwatać.

Praša so třoch přítomnych kandidatow Hagena Domašku, Měrcina Krawca a Marlis Pjacec, hač bychu za dalše wólby k dispoziciji stali. Z gestiku tući přihłosuja.

Předsyda zakónči dnjowy dypk.

4. Wšelčizny

Městopředsyda Hartmut Leipner informuje wo wuradźowanju prezidija 19.12. w Mučowje, hdžež je so wo wothłosowanju předsydy Domowiny dnja 12. decembra 2022 w zwisku z jeho mandatom w Budyskim wokrjesnym sejmiku diskutowało. Dnjowy dypk wobjednawaše so w njeprítomnosći předsydy. Zamołwjenje předsydy su člonojo prezidija přiwzali. Njehladajo toho zwostanje prašenje, hač je móžno, funkciju předsydy z dalším mandatom wukonjeć. Prezidij doporuči naležnosć prawniskemu wuběrkej přepodać.

W diskusiji jewja so slědowace prašenja:

Hač do kotreje dźěłoweje runiny budže prawniski wuběrk pruwować?

Nastupa pruwowanje tež referentow a dalšich přistajenych a plaći to tež za dalše komunalne mandaty?

Što konkretnje budže prawniski wuběrk pruwować?

Člon gremija namołwja naležnosć chwattnje rozrisać, zo njeby so komunikacija počezowała.

Člonka gremija zwěsći, zo mandat dotal tež žanu rólu hrał njeje a so praša, čehodla so nětko wo tym diskutuje. Bychu-li so wěšte kriterije postajeli, potom wobsteji strach, zo angažowanych ludźi zhubimy. Wona staja tajke wobmjezowanje do prašenja.

Hartmut Leipner namołwja, zo njeje dosć časa za diskusiju. Po pruwowanju naležnosće budže so wo tym rěčeć.

Člon gremija zwěsći, zo dyrbi so naležnosć rjadować, wšako su mnozy z člonom politiskeje strony. Po jeho měnjenju dyrbjała naležnosć hač do hłowneje zhromadźizny zakónčena być.

D. Statnik zdžěli, zo steji wuběrkej a jednotliwcam při prašenjach k dispoziciji.

Jednaćelka doda, zo smědža člonojo ZP prawniskemu wuběrkej rady zdželić, kotre prašenja měli so konkretnje pruwować.

Přizamknje so njezjawny džěl posedženja.

Po protokolu prezidija z dnja 08.02.2017 maja so informacije zasadnje pisomnje a dočasne člonam prezidija posrědkować. Po protokolu ZP z dnja 29.04.2017 ma so posedženski čas gremijow na 4,5 hodžin wobmjezować a měło so posedženje najpozdžišo 22:00 hodžin skónčić.

*protokol: M. Šusterowa
přehladaťoj: D. Statnik, M. Di Sarnowa*